

Eine rüstung wie man ohn vnterlaß aus einem
 Brunnen ohne Röhren oder Pumpen allein durch bewe-
 gung einer Wag Wassers gnugsam schöpfen kan/
 wie in dem Kupffer mit Num.
 10. zu sehen.

Diese Machina / die man alhier vor Augen sihet /
 hat nicht einen geringen nutz / weil zween Menschen einen Tag vber
 sehr viel Wassers schöpfen können / so sehet ihr nun am grunde des
 Brunnen eine bewegliche Wellen A. vnd eben eine solche vber dem Brun-
 nen / B. vnd geht vmb beyde eine Ketten fest zusammen gemachet /
 also das sie kein ende hab / an dieser Ketten hengen viel Eimer die für
 vnd für ohne auffhören auff vnd ab können gezogen werden / wann man nur
 die Ursach der bewegung vorstehet : Alm gestell des Brunnen seind drey
 Axten vnter diesen ist an der mitler die Wellen / davon ist droben gesagt /
 vnd ist eben an dieser Ax ein Kamp oder trieb / diese Ax hat ihre stete gleich-
 förmige bewegung / die andern zwo trehen sich nur halb herum / vnd seyn
 an denselben zwey Reder / die haben vmb den halben Rand eiserne Zehne
 ein wenig krum wie Klauen am ende aber bey der Wag / seind gleichfals
 zwey zanichte Reder / an diesem einem hengt die Wag durch welcher be-